

Seiqgyaiq Daengzcog

未来世界



Ve, daihya ndei! Gou gaenq con gvaq seizneix, naengh aen gihseizgan daeuj daengz aen seiqgyaiq daengzcog. Gizneix dauq-cawq dwg gauhgohgi, bouxboux cungj siengj guh gijmaz couh guh gijmaz, dauqcawq miz gij hoengheiq seuqsien haenx, couh lumj dwg youq henz ndoeng faexmwn haenx ityiengh. Mwngez gaej mbouj saenq, gou daiq mwngez bae yawjyawj.

Bae dieg guhhong gou yawj gonq! Gou gaenq dwg boux gungh-cwngzsw hendeu, cijaeu gamyawj “gunghyinz” —vunzgihi guhhong caeuq sezgi dozceij, bi ndaej cien 1000000 fanh. Mwngez gaej yawjsiuj gou, lajfwngz gou miz baenz haj cien “gunghyinz” ne, lijimiz song boux gunghcoz yinyenz, gou cij aeu naeuz hawj gunghcoz yinyenz sing ndeu, gyoengqde couh naengz cijveih hawj vunzgihi guhhong, vunzgihi rengz hung dangqmaz, mbouj rox baegnaiq, gizlawz cungj bae ndaej, gijmaz yungyiemp cungj mbouj lau, laemx sieng le, in le, cij yungh vuenh di lingzgen, caen dwg boux bangfwngz

ndeiraeuh vunzraeuz. Gunghcoz yinz-yenz hix mbouj yungh sinhoj bae gamyawj, cijaeu youq ndaw ranz dajhai gisongih, youq gwnz gisongih roengz lingh couh ndaej, sat le guh gij saeh swheij siengj guh haenx, dwk youzhi, youz gai, ganggijoj, guh gijmaz cungj ndaej, hwnjban caeuq yietbaeg ityiengh cwxcaih. Mboujdan dwg giz gou yienghneix, daengx aen seiqgyaiq cungj dwg yienghneix, caezgya cungj gig cwxcaih.

Aen ranz gou engq daegbied, aen neix dwg gou gak sezgi. De lumj song go faexhung, cibfaen cocangq, diuz roen doeng ranz guh lumj gij gaeu ndaw ndoeng nei. Ndaw ranz miz gij mbawheu, ndaej vaqgej uqlah, guh gvanghhoz cozyung, hawj ndaw ranz seizseiz miz yanggij, doengzseiz, aenranz lij miz aen camj he, aen camj baez goeb, aen ranz couh rox yaem bae, siengj yaem aen ranz bae rox naeuz hawj vunz yawjraen, cungj youzcaih gou maij. Ndaw ranz gou gwnz namh hai rim va, maj rim nywj, lij miz geij go faexhung dem, gwnz faex miz gak

cungj gak yiengh doenghduz youq, gou moix ngoenz caeuq gyoengqde guh baengzyoux. Aen ranz gou cijmiz gou caeuq bohmei gou ndaej haeujbae, aende rox gag yiemzgek genjniemh gij sing caeuq gij lwed boux yaek haeuj ranz, caen dwg vunz ndaw ranz cij ndaej haeujbae, danghnaeuz vunzrog nyengz roemx haeujbae, couh rox deng dien bag ngunh, seizneix aen bauginggi gwnz dingjranz rox gag bauq hawj gou, lij ingj dozbenq conz hawj gou yawj, yaek gaeb yaek cuengq bouxhaenx youzcaih gou. Ndigah, ndawbiengz cungj mbouj miz bouxcaeg lo, gingcaz hix mbouj miz hong guh lo, gyoengqde cungj bae dwk youzhi, dangyienz, ngaenzgoeng ciuqyiengh lingx law.

Mwngez yawj, dou ok rog cungj naengh feihhingzgi. Gij yiengh feihhingzgi cien loh fanh yiengh, gijmaz cungj miz. Aen gou couh gig geiz: Miz caengz byukbaujhoh he, ndaej gek gij hoengheiq uq, aen gyauej luenzlulu haenx, couh dwg yungh daeuj comz daiyangznwngz.

Vunzraeuz mbouj caiq vih naengz-yenz vwndiz uk in lo. Gou naengh haeuj ndaw bae, siengj bae gyawz, cij yungh naeuz dieg hawj de, de couh rox gag mbin bae gizhaenx, gijmaz doxgaiq de cungj ndonj ndaej gvaqbae, hoeng youh mbouj dwk vaih gij doxgaiq haenx, de miz seiq gaep naengzliengh, con gvaq fuk ciengz cungj gig heih. Gou lij ndaej naengh de bae ronghndwen, de mbouj hawj vunz naengh dauqdingq, hawj vunz lumj dwg youq gwnz namh byaij ityiengh.

Gou lij youq daej haij guh le aen singz he, aen singz neix youq ndaej baenz cibgeij fanh vunz, duz byasahyiz bang dou swnzloz, vunzraeuz moix ngoenz youq daej haij ndaej yawj gij doenghduz ndaw haij youq gwnz gyauej youz bae youz dauq, gyaundeide yaek dai!

Aen seiqgyaiq daengzcog geiz-miuh baz! Mwngez hix ganjvaiq naengh aen gihseizgan, daeuj aen seiqgyaiq dou ba, gou angqcoux sou!

(roek nienzgaep Vangz Vei)

Baez Sawqguh Daegbied He

特殊的体验

Ngoenzneix ndit rongh mbwn gvengq, gou angqfwdfwd daeuj cozwvnbanh hwnjdangz.

Baez hwnjdangz, lauxsae couh naeuz hawj dou sawqsawq guh bouxyad, heuh dou fwngz ndeu duet buh. Gyoengq doengzhag cungj simdoengh yedyed, bouxboux cungj gingzfwngz siengj sawq. Lauxsae hawj gou bouxnduj sawq, gou gig vaiq couh duet ndaej mbiengj gen buh he, yungh gaeumba q caeuq aen-gyauej gaemh cih buh he, baez yungh rengz beng couh beng ndaej lahlen lo.

Baez daihngeih, lauxsae heuh dou fwngz ndeu daenj buh, daeg doengzhag ndeu naeuz: “Haha, neix doiq gou daeuj gangj heih lumj maz nei.” Hainduj sawq guh lo, lauxsae heuh daeg doengzhag he caeuq dah doengzhag he sawq guh. Gyoengqde

gig vaiq couh daenj ndaej buh lo, ciep roengzdaej couh dwg beng lahlen, beng le geijcib baez cungj beng mbouj hwnjbae, daeg doengzhag haenx naemj bae naemj dauq. Doeklaeng, de da baez baenq, aeu ga geb buh, fwngz beng cih buh, aeu bak gamz gyauej lahlen baez beng, lahlen beng hwnjbae lo. Lahlen yaek beng daengz gyauej seiz, bak de naiq lo, lahlen youh yaek vad roengzdaej. Gyoengq doengzhag cungj gag hemq hwnjdaej: “Gyayouz, gyayouz!” Sawqmwh, sing bekwngz yiangroebroeb, daeg doengzhag haenx beng ndei lahlen lo.

Laxlawz, bouxyad caen mbouj yungzheih ha! Gvaqlaeng, dangh-naeuz gou bungz bouxyad, gou itdingh bangcoh gyoengqde, guh boux lwgnyez maij bang vunz he.

(ngeih nienzgaep Hoz Loz)

Bouxdoengznaengh Lumj Va

同桌如花

Vadauz hai lo, youq ndaw mbanj naj ranz laeng ranz hai dwk. Daj giz gyauej yawj gij va haenx, couh lumj gaiq baengzva gyaundeide he; daj giz gyawj yawj, mbawdauz couh lumj baenz benq baenz benq nae, gyaundeide raixcaix.

Moix baez yawjraen vadauz, gou couh siengj hwnj boux doengznaengh gou, de heuhguh Siujbwz. De biz hau biz hau, gij byoemgyauej de youh dinj youh ndaem youh ndongq, dwggayez dangqmaz.

Geiqndaej mwh haenx, lauxsae hawj gou caeuq Siujbwz doengznaengh, ndigah dou baenz baengzyoux ndei. Mwh hwnjdangz, gou miz di vwndiz mbouj aiq rox, roengzdangz le, de cungj son daengz hawj gou rox, cuengqhag le dou itheij baema ranz, daengz ranz le dou itheij guh cozyez, itheij naemj gij vwndiz mbouj rox haenx. Miz baez ndeu, gou

mbouj camgya gaujsi, ndoj youq mbiengj he daejsoebsoeb, Siujbwz raen le gvaqdaej cam ok maz saeh, gou naeuz gou mbouj gaujsi, lau baema ranz deng bohmei ndaq couh daej lo. Siujbwz nai gou naeuz: “Mbouj youqgaenj law, cijaeu nyinhcaen fuzsiz, baezlaeng couh itdingh gauj ndaej ndei.” Siujbwz gietdingh caeuq gou bae laj godauz fuzsiz. Doenggyaq haenqrengz, doeklaeng gou gaujsi cingzcik gig ndei.

Miz vunz nyinhnaeuz, bouxdoengznaengh dwg feiz, ndaej ciuqrongh diuzroen baihnaj; miz vunz nyinhnaeuz, bouxdoengznaengh dwg aenliengj, ndaej bang mwngez cw rumz dangj fwn; gou nyinhnaeuz bouxdoengznaengh dwg va, ndaej hawj mwngez simsangj swdswd.

(sam nienzgaep Vuz Hau)

Hoh Gyoengq Doengzhag Yenzdan

Vaiqvued, Bi Moq Hagsib Cinbu!

